

Home > AIMERIC DE PEGUILHAN > EDIZIONE > Atressi·m pren quom fai al joguador > Tradizione manoscritta > CANZONIERE I > Edizione diplomatica

Edizione diplomatica

	A Tressim pren con fai al iogator. Cal com(en) ssar ioga maistramen. appetit ios pois ses calfa perden. Quel fai montar tant qu es enla follor. aissi mis eu pauc epauc en la uia. Que cuidaua amar p(er) maistria. Si que(n) pogues partir quant me volgues. ar son intratz tant quissir no(n) puosc ge. A utra ues fui en la prison damor. Dones ca pei mas eramen repren. ab un esgart don mos cors ses compen. Que fai plaser mo mal ema dolor. Cun latz mi fes metral col ab quen lia. Don p(er) mon grat ia nom desli aria. Emais nul hom el mon liatz no(n) es. Quil deslies que ben no(n) li plagues. A nc mais nul temps no(n) tro bie liador. Tan ferm lies ab tan pauc liamen. Quel liams fon cortz dun bratz solamen. Eno(n) trob sai qu im desli ni aillor. Enliamatz sui tant que sim uolia. Desliamar ges far no(n) opoiria. Camors que lai men liamet empres. Men liama sai plus fort p(er) un tres. A lei del fer que uai ses tirador. ves laim an quel tira uau siguen. amors quen sap tirar ses tiramen. Mas tirar masiuals p(er) la meillor. Que sieu dautra meillurar mi sab ia. Tant am lo meills que ben meilluraria.
--	--

Image not found https://letteraturaeuropea.let.uniroma1.it/sites/default/files/T%202.PNG	Mas meillurar no(n) cre q(ue)n men pogues. veus p(er) que ma p(er) la meillor oques. A gentils cors plus gent formatz de flor. aiatz de mi cal ocom chauzimen. Q(ue)u mor p(er) uos denuie de talen. Epodes o proarama color. Qesouener entrasu encambia. p(er) q(ue) for a al morne cortezia, Sumelitatx merce ian uos prezes. Daquest forfait sofraitos de totz bes. Dieus sal guillem malespina marques. que c(on)quer pretz epretz ael c(on)ques. Nabiatrix dest lo bes quen uos es. fa meillurar las autras ab lur bes.
---	--

- letto 189 volte

Credits | Contatti | © Sapienza Università di Roma - Piazzale Aldo Moro 5, 00185 Roma T (+39) 06 49911 CF 80209930587 PI 02133771002

Source URL: <https://letteraturaeuropea.let.uniroma1.it/?q=laboratorio/edizione-diplomatica-2779>